

**TEKS UCAPAN SELAMAT HARI RAYA AIDILFITRI 1443H**  
**NAIB CANSELOR**

Bismillahirrahmanirrahim

Assalamualaikum warahmatullahi wabarakatuh

Ramadhan, bulan kemuliaan yang penuh keberkatan dan kerahmatan bakal berlalu pergi dengan segala ibadah yang tidak ternilai. Kini bahang kemeriahan Syawal semakin terasa.

Saya mengambil kesempatan ini mengucapkan Selamat Hari Raya Aidilfitri khasnya kepada ahli-ahli Lembaga Pengarah Universiti, pengurusan tertinggi Universiti, warga kerja, siswa dan siswi, rakan-rakan strategik universiti, dan seluruh warga Universiti Teknikal Malaysia Melaka serta Muslimin dan Muslimat. Semoga Aidilfitri yang bakal menjelang tidak lama lagi akan membawa cahaya kegembiraan di dalam hidup anda semua.

Marilah kita memanfaatkan hari perayaan pada tahun ini dengan meneruskan amalan-amalan murni dan mengukuhkan permuafakatan sesama kita dan ikatan muhibah seluruh rakyat berbagai agama dan bangsa.

Akhir kata, saya ingin menyusun sepuluh jari memohon kemaafan zahir dan batin bagi pihak diri saya serta keluarga di atas apa jua kesalahan, mahupun kesilapan yang dilakukan. Mudah-mudahan kita termasuk di dalam golongan yang mendapat petunjuk dari Allah SWT dan syafaat dari Rasulullah SAW.

Kian berlabuh tirai Ramadhan,  
Lambaian Syawal kian dinanti,  
Luhur hati mohon kemaafan,  
Silap dan salah moga dimaafi.

Salam Aidilfitri, Maaf Zahir dan Batin

